



30. september 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

### **Naalakkersuisunut apeqquq:**

- 1. §37\_134/2019, apeqquq. 1-mut akissumminni Naalakkersuisut allapput Nuup Kangerluani qaqinneqartut qalerallit agguaqatigiissillugu angissusaat 2010-mi 56 cm-teriusimasoq 2017-imi 2018-imilu 48 cm-terinut apparsimasoq. Kiisalu oqimaassusaat 1,5 kg-miit 900 grammut apparsimasoq.**  
  
**- Naalakkersuisut ilumuunnginnerarsinnaavaat uppersarluguluunniit aalisakkanik nioqqutissiorfiit, taakku ilagalugu Namminersorlutik Oqartussat tamakkiisumik ingerlatseqatigiiffiat Royal Greenland A/S, killilersuiffiqineqanngitsunut angissutsimikkullu millingaatsiarsimasunut qalerallinnut Nuup Kangerluani pisarineqartunut akitigut unammillernikkut pisiortortuunersut?**
- 2. Akissut aappiuppat; Naalakkersuisut qanoq isumaqarfigivaat aalisagaqatigiit annertuallaamik aalisarfigineqartut, soorlumi §37\_134/2019, apeqquq. 2-mut akissumminni Naalakkersuisut tamanna uppersarsaraat, taakku aallaavigalugit akitigut unammillerneq annertoq ingerlanneqarpat?**
- 3. Naalakkersuisut ilumuunnginnerarsinnaavaat uppersarluguluunniit Nuup Kangerluani aalisakkat qalerallit qaqinneqartut pisarineqarsimasullu ingiinnarneqartarnerat?**
- 4. Apeqquq 3-mut akissut aappiuppat: Naalakkersuisut qanoq isumaqarpat Nuup Kangerluani aalisarneqarpallaartut nalilernerqareersunit qalerallit tunineqartut ingiinnarneqartarpat?**
- 5. Paasissutissanik allanik pineqartumut tunngasunik Naalakkersuisut peqarpat?**

(Inatsisartuni ilaasortaq Sofia Geisler, Inuit Ataqatigiit)

**Tungavilersuut:**

Naalackersuisut Siulittaasuata ukiaanerani ammaanersiorluni oqalugiaammini pingaartillugu naqissuserpaa pisuussutit uumassusillit piujuartitsinermik tungaveqartumik atuiiffiqineqarnissaat. Isuma tamanna tapersorsorluinnarpara, pingaartumik aalisarneq inuiaqatigiit aningaasaqarnerannik napatitsisut pingaarnerpaat aappaat eqqarsaatigalugu.

Taamaattumik pingaaruteqarluinnarpoq tamatta – aamma aalisarnermik ingerlatsisut – pisuussutit siunissami sivilunerpaamik inunnullu amerlanerpaanut ilaqutissanngortittuarnissaannut qulakkeerinneqataanissamut.

Kissaatigivara apequtikka ullut suliffiusut qulit qaangiutinnginneranni akineqarnissaat.